

Menningar- og ferðamálasvið f.h. Reykjavíkurborgar kt. 530269-7609 og Kammersveit Reykjavíkur, kt. 620574-0159, gera með sér svofelldan:

SAMSTARFSSAMNING

um fjárstuðning Reykjavíkurborgar við Kammersveit Reykjavíkur á tímabilinu 1. janúar 2021 til 31. desember 2023.

1. gr. Markmið og framlag Reykjavíkurborgar

Meginmarkmið með stuðningi Reykjavíkurborgar við Kammersveit Reykjavíkur er að styðja við árlega starfsemi hljómsveitarinnar í Hörpu og öfluga þátttöku hennar í tónlistarlífi borgarinnar sem flaggskips kammertónlistar í Reykjavík.

Á samningstímanum skuldbindur Reykjavíkurborg sig til að greiða Kammersveit Reykjavíkur fjárhæðina

kr. 2.000.000 árlega á tímabilinu 2021-2023.

Greiðsla framlags skiptist þannig á ári hverju:

kr. 1.000.000 1.-3. hvers eftirtaldrá mánaða, mars og september.

Framlag borgarinnar greiðist inn á bankareikning Kammersveitar Reykjavíkur nr. 515-26-705590.

Framlög Reykjavíkurborgar vegna áráanna 2022 og 2023 eru með fyrirvara um samþykkt fjárhagsáætlunar þeirra ára. Verði gerð umtalsverð breyting til lækkunar á fjárveitingu til samningsins á fjárhagsáætlun taka aðilar upp viðræður um aðlögun samstarfsins að breyttri fjárveitingu.

2. gr. Forsaga, markmið og framlag Kammersveitar Reykjavíkur

Kammersveit Reykjavíkur hefur starfað óslitið frá stofnun 1974 og hefur frá upphafi haldið úti tónleikaröð með fjölbreyttu efnisvali. Kammersveitin skipar nú sess í tónlistarlífi Reykjavíkur sem sífónietta, eða millistærð af hljómsveit. Samstarf Kammersveitarinnar og íslenskra tónskálda hefur á þessum áratugum verið farsælt, en Kammersveitin hefur frumflutt ótal verk og gefið út fjölmarga diska með verkum þeirra auk annarrar útgáfu. Hjá Kammersveitinni ríkir algjört jafnrétti og hópur hljóðfæraleikaranna skiptist nokkuð jafnt milli karla og kvenna. Sama gildir um ábyrgðarstöður, verkefnavalsnefnd og verkefnastjórn. Við verkefnaval er einnig leitast við að taka tillit til kynjasjónarmiða, sérstaklega þegar kemur að því að panta og leika ný verk.

Kammersveitin vinnur náið með íslenskum tónskáldum, frumflytur og hljóðritar verk þeirra og stendur fyrir útgáfu á tónlist. Hún flytur athyglisverð tónverk frá öllum tímabilum tónlistarsögunnar á tónleikum sínum og lykilverk merkra erlendra tónskálda hljóma oft í fyrsta sinn á Íslandi í flutningi Kammersveitarinnar. Frumflutningur nýrra íslenskra verka er eitt af lykilhlutverkum hljómsveitarinnar og hefur hún sinnt því hlutverki af alúð síðustu ár.

Kammersveit Reykjavíkur er mjög mikilvæg stoð í íslensku tónlistarlífi og er að sinna mikilvægum hlustendahópi með meðalstórri hljómsveit sem aðrir kammerhópar eru ekki að bjóða uppá. Kammersveitin frumflytur árlega nýja íslenska tónlist, rifjar upp eldri íslensk verk og flytur gömul og ný erlend verk. Efnisskráin er mjög fjölbreytt og viðheldur fjölbreytni í íslensku tónlistarlífi og er hluti af öflugri kammertónlistarröð í Hörpu, Sígdum sunnudögum. Með útgáfu á nýjum kammerverkum er mikilvægri skráningu og dreifingu á nýjum verkum sinnt af alúð. Með samvinnu við

RÚV náum við til allra landsmanna. Jólatónleikar hljómsveitarinnar í desember 2020 voru valdir af Ríkisútvarpinu sem fulltrúi Íslands á jólatónleikadegi EBU (European broadcasting union) og halda þar með nafni Reykjavíkur og Íslands á lofti í alþjóðlegri menningarstarfsemi. Aðsókn að tónleikum hljómsveitarinnar er yfirleitt mjög góð, sem dæmi um að á lokatónleikum Myrkra músikdaga 2020 var leikið fyrir fullum sal í Norðurljósum í Hörpu. Það sýnir gríðarlega áhuga á starfseminni og því starfi sem þar fer fram.

Kammersveit Reykjavíkur skuldbindur sig til að halda ekki færri en ferna tónleika hvert ár og flesta í Hörpu.

3. gr. Ábyrgð

Kammersveit Reykjavíkur ber ábyrgð á að starfsemi sveitarinnar fullnægi kröfum um fagmennsku og gæði. Kammersveit Reykjavíkur ber ábyrgð á skuldbindingum sem sveitin eða aðilar á hennar vegum stofna til í tengslum við þennan samning. Kammersveit Reykjavíkur er með öllu óheimilt að framselja greiðslur samkvæmt samningi þessum til þriðja aðila og setja hann með öðrum hætti til tryggingar fjárskuldbindingu.

4. gr. Kynningarmál

Á öllu kynningarefni Kammersveitar Reykjavíkur héraendis jafnt sem erlendis, skal koma fram að Kammersveit Reykjavíkur sé styrkt af Reykjavíkurborg og skal Kammersveit Reykjavíkur birta merki Reykjavíkurborgar á kynningarefni sínu.

5. gr. Samskipti og eftirlit

Skrifstofa menningar- og ferðamálasviðs Reykjavíkurborgar er tengiliður samningsins við Kammersveit Reykjavíkur. Samráðsfundir samningsaðila skulu haldnir í maí eða júní ár hvert 2021-2023, þar sem farið verður yfir framkvæmd samningsins og tillögur að áherslum Kammersveitar Reykjavíkur fyrir komandi starfsár. Skrifstofustjóri menningarmála skal boða til fundanna. Kammersveit Reykjavíkur skal á árlegum fundum leggja fram áætlun um rekstur og starfsemi yfirstandandi árs og árituðum ársreikningi fyrra árs.

6. gr. Vanefndir og meðferð ágreinings

Telji Kammersveit Reykjavíkur hættu á að geta ekki uppfyllt samningsbundnar skyldur sínar skal tengilið Reykjavíkurborgar, skrifstofu menningar- og ferðamálasviðs, tilkynnt um það skriflega án tafar. Ef ekki tekst að endurskoða verkefnaáætlun þannig að markmiðum samningsins verði náð, er Reykjavíkurborg heimilt að fella niður greiðslur þar til Kammersveit Reykjavíkur hefur sýnt fram á að hún muni standa við samningsbundnar skyldur sínar samkvæmt ákvæðum samningsins, en að öðrum kosti rifta samningnum. Ef sýnt þykir að framlag Reykjavíkurborgar hafi verið notað í öðru skyni en samkvæmt samningi þessum, áskilur Reykjavíkurborg sér rétt til að krefjast endurgreiðslu framlagsins að hluta eða öllu leyti eða rifta samningnum.

7. gr. Gildistími

Samningur þessu er gerður í samræmi við samþykktu fjárhagsáætlun Reykjavíkurborgar 2021 er samþykkt var í borgarstjórn þann 15. desember 2020. Samningurinn gildir til 31. des. 2023. Samningurinn er gerður í tveimur samhljóða eintökum og heldur hvor samningsaðili sinu eintaki.

8. gr. Breytingar á samstarfssamningnum

Samningur þessi er lýsing á samningssambandi aðila, réttindum þeirra og skyldum og gengur framar fyrri skuldbindingum, munnlegum og skriflegum eða öðrum samskiptum. Viðbætur við samning skulu vera skriflegar og undirritaðar af samningsaðilum.

9. gr. Staðfesting og meðferð ágreiningsmála

Samningurinn er gerður með fyrirvara um samþykkt borgarráðs og samþykkt fjárhagsáætlunar Reykjavíkurborgar vegna áraanna 2022 og 2023. Rísi mál út af samningi þessum skal það rekið fyrir Héraðsdómi Reykjavíkur.

Öllu framangreindu til staðfestu rita forsvarsmenn aðila nöfn sín undir samning þennan.

Reykjavík, x. febrúar 2021

F.h. Reykjavíkurborgar

F.h. Kammersveitar Reykjavíkur

Vottar að rétttri dagsetningu og undirskrift: